



Bulevar mira 1, 76100 Brčko distrikt BiH, telefon: 049/240-709, faks: 049/217-234, centrala: 049/240-600
Булевар мира 1, 76100 Брчко дистрикт БиХ, телефон: 049/240-709, факс: 049/217-234, централа: 049/240-600

Broj predmeta: 13-001449/21
Broj akta: 02-1348NH-0003/21
Datum, 29.6.2021.. godine
Mjesto, Brčko
Int br.: 791/21

Na osnovu člana 21. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19), člana 20. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj: 19/07, 2/08, 43/08, 9/13 i 48/16), Odluke o usvajanju Budžeta Brčko distrikta Bosne i Hercegovine broj: 01-02-1580/21 od 31. 3. 2021. godine, člana 59. Zakona o budžetu Brčko distrikta BiH („Službeni glasnik Brčko distrikta BiH“, broj 13/20), Zakona o izvršenju Budžeta Brčko distrikta BiH za 2021. godinu („Službeni glasnik Brčko distrikta BiH“, broj 04/21), Pravilnika o finansiranju i sufinansiranju programa i projekata od javnog interesa udruženja, fondacija i drugih pravnih i fizičkih lica („Službeni glasnik Brčko distrikta BiH“, broj 10/21), Odluke o raspisivanju javnih poziva za finansiranje i sufinansiranje programa i projekata od javnog interesa, broj: 13-001449/21, broj akta: 02-1348NH-0001/21 od 25. 6. 2021. godine, šef Odjeljenja za stručne i administrativne poslove o b j a v l j u j e

JAVNI POZIV
ZA FINANSIRANJE I SUFINANSIRANJE PRIJEDLOGA
PROGRAMA I PROJEKATA OD JAVNOG INTERESA UDRUŽENJA, FONDACIJA I
DRUGIH PRAVNIH I FIZIČKIH LICA

I.
Cilj

Cilj Javnog poziva je finansiranje i sufinansiranje programa odnosno projekata od javnog interesa u oblasti socijalne zaštite, zaštite lica s invaliditetom, društvene brige o djeci i mladima, pomoći starima, zaštite i promovisanja ljudskih prava, volonterstva, suzbijanja diskriminacije, borbe protiv nasilja u porodici i maloljetničkog nasilja, borbe protiv ovisnosti, zaštite životinja, zaštite potrošača, borbe protiv korupcije, promovisanja evropskih integracija kao i humanitarnog i sličnog rada.

II.
Pravo učešća

Na Javnom pozivu mogu učestvovati udruženja, fondacije i druga pravna i fizička lica koja su registrovana za obavljanje aktivnosti koje su u vezi s programom ili projektom od javnog interesa odnosno čiji ciljevi su u skladu s ciljevima programa odnosno projekta od javnog interesa.

Članom 63. stavom (1) Zakona o Budžetu Brčko distrikta BiH propisano je koja udruženja i fondacije odnosno pravna i fizička lica nemaju pravo na učešće na javnom pozivu.

III.
Opći i posebni kriteriji

Izbor programa i projekata vrši se na osnovu općih i posebnih kriterija.

Opći kriteriji su:

- a) procjena usklađenosti ciljeva programa odnosno projekta s ciljevima i prioritetskim područjima te strateškim i drugim planskim dokumentima razvoja Distrikta i planovima Odjeljenja kako su opisani u Javnom pozivu;
- b) kvalitet i sadržaj prijavljenog programa odnosno projekta;
- c) kvalitet dosadašnjeg rada, uspjesi i iskustva te kontinuitet saradnje s Odjeljenjem;
- d) neposredna društvena korist za zajednicu;
- e) finansijska i druga sposobnost za provođenje projekta te realan odnos troškova i očekivanih rezultata aktivnosti programa odnosno projekta;
- f) održivost rezultata programa odnosno projekta.

Posebni kriteriji su:

- a) dosadašnje iskustvo u provođenju programa i projekata finansiranih iz istog ili drugih izvora;
- b) organizovanost i broj članova udruženja, odnosno ekvivalentni kapaciteti pravnog odnosno fizičkog lica, odnosno broj lica koja bi učestvovala u realizaciji programa odnosno projekta;
- c) angažman djece, mladih, žena i osoba s invaliditetom u realizaciji programa odnosno projekta.

IV.

Prihvatljivi i neprihvatljivi troškovi provođenja programa odnosno projekta

Prihvatljivi troškovi su troškovi koje je imao korisnik finansiranja, a koji ispunjavaju sve sljedeće kriterije:

- a) nastali su za vrijeme perioda provođenja programa odnosno projekta u skladu s ugovorom;
- b) moraju biti navedeni u ukupnom predviđenom budžetu programa odnosno projekta od javnog interesa;
- c) nužni su za provođenje programa odnosno projekta od javnog interesa koji je predmet dodjele finansijskih sredstava;
- d) mogu biti identifikovani i provjereni i koji su računovodstveno evidentirani kod korisnika finansiranja prema važećim propisima;
- e) trebaju biti umjereni, opravdani i usaglašeni sa zahtjevima racionalnog finansijskog upravljanja, osobito u odnosu na štedljivost i učinkovitost.

Neprihvatljivim troškovima smatraju se:

- a) dugovi i stavke za pokrivanje gubitka, dugova, kazni i slično;
- b) dospjele kamate;
- c) stavke koje se već finansiraju iz javnih izvora;
- d) kupovina zemljišta ili građevina, osim kada je to nužno za direktno provođenje programa odnosno projekta;
- e) gubici na kursnim razlikama;
- f) zajmovi trećim stranama.

V.

Spisak neophodne dokumentacije za učešće na Javnom pozivu

Pravna i fizička lica iz člana II. koja podnose prijave za učešće na Javni poziv dužna su dostaviti:

- a) prijavu na Javni poziv (aneks II);
- b) prijedlog programa i projekta od javnog interesa (aneks III);
- c) potpisan i ovjeren budžet programa i projekta od javnog interesa, a za fizička lica dovoljan je samo potpisan (aneks IV);

- d) logičku matricu (aneks V);
- e) izjavu o partnerstvu s drugim organizacijama i licima ako više pravnih i fizičkih lica učestvuje zajedno u podnošenju prijave (aneks VI);
- f) potpisanu izjavu o nepostojanju okolnosti koje zabranjuju učešće pravnog ili fizičkog lica na Javnom pozivu;
- g) aktuelni izvod iz registra pravnih ili fizičkih lica nosilaca ili partnera nosilaca predloženog programa odnosno projekta od javnog interesa koji nije stariji od tri mjeseca;
- h) potpisanu izjavu nosioca programa odnosno projekta da nije dobio sredstva za finansiranje odnosno sufinansiranje programa odnosno projekta od drugog budžetskog korisnika;
- i) dokaz o izmirenim poreznim obavezama ili sporazum zaključen s poreznom upravom o odgodi plaćanja neizmirenih poreznih obaveza pravnog i fizičkog lica;
- j) kopija važećeg statuta (za pravna lica).

Ako prijavu podnosi fizičko lice, dužno je dostaviti kopiju identifikacionog dokumenta.

Nepotpune, nepravovremene i prijave podnesene od neovlaštenog lica neće biti uzete u razmatranje.

VI. Finansijski okvir

Ukupna vrijednost sredstava koja će biti dodijeljena za finansiranje odnosno sufinansiranje programa odnosno projekata od javnog interesa utvrđena je Budžetom Brčko distrikta BiH za 2021. godinu na organizacionom kodu 15010001 – Pododjeljenje za podršku MZ, NVO i UG, ekonomski kod 614300 – Tekuće donacije neprofitnim organizacijama, i iznosi 853.500,00 KM, od čega po ovom javnom pozivu 700.000,00 KM, kako slijedi:

- a) **490.000,00 KM** – programi od javnog interesa u oblasti zaštite i promovisanja ljudskih prava, oblasti socijalne zaštite, pomoći starima i humanitarnog i sličnog rada;
- b) **210.000,00 KM** – projekti od javnog interesa u oblasti društvene brige o djeci i mladima, zaštite lica s invaliditetom, volonterstva, borbe protiv nasilja u porodici i maloljetničkog nasilja, borbe protiv ovisnosti, suzbijanja diskriminacije, evropskih integracija, zaštite potrošača, zaštite životinja i borbe protiv korupcije.

Minimalan iznos sredstava po programu odnosno projektu iznosit će 2.000,00 KM, a maksimalan iznos po programu do 50.000,00 KM, a po projektu do 30.000,00 KM.

Minimalan procentualni iznos koji se može odobriti je 20%, a maksimalan 50% za sufinansiranje iznosa već odobrenih projekata.

Minimalan procentualni iznos odobrenih sredstava je 7%, a maksimalan 15% koji se može koristiti za pokriće administrativnih troškova nosilaca i partnera na programu odnosno projektu (indirektni troškovi nosilaca programa odnosno projekta).

Sredstva koja ne budu utrošena po ovom javnom pozivu bit će planirana za realizaciju sljedećeg javnog poziva.

VII. Način bodovanja

Komisija boduje podnesene prijedloge programa odnosno projekata prema općim i posebnim kriterijima i to vrednovanjem pojedinačnog kriterija ocjenom od 1 do 10.

Ukupan broj bodova za ocjenu prijavljenog programa odnosno projekta iznosit će ukupan zbir bodova članova Komisije prema općim i posebnim kriterijima.

Finansiranje odnosno sufinansiranje programa odnosno projekta neće biti odobreno ako prijavljeni program odnosno projekt u postupku bodovanja ne ostvari minimalno 70% (sedamdeset posto) maksimalnog broja bodova prema kriterijima za ocjenu.

VIII. Vrijeme trajanja programa odnosno projekta

Svi prijedlozi programa odnosno projekata koji budu odobreni po ovom Javnom pozivu moraju biti realizovani najkasnije do 31. 8. 2022. godine.

IX. Način prijavljivanja

Obrazac prijave s popratnom dokumentacijom za učešće na Javnom pozivu možete preuzeti na web stranici: www.vlada.bdcentral.net.

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti sa naznakom: „**PRIJAVA NA JAVNI POZIV ZA FINANSIRANJE I SUFINANSIRANJE PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA OD STRANE ODJELJENJA ZA STRUČNE I ADMINISTRATIVNE POSLOVE – NE OTVARATI – OTVARA KOMISIJA**“ putem protokola Vlade Brčko distrikta BiH, Odjeljenje za stručne i administrativne poslove, ili putem pošte na adresu:

**Odjeljenje za stručne i administrativne poslove
Bulevar mira br. 1, Brčko distrikt BiH.**

Za sve potrebne informacije možete se obratiti putem e-maila:

Srđanu Kisiću: srdjan.kisic@bdcentral.net

Amiru Karamujiću: amir.karamujic@bdcentral.net.

Ostale napomene:

Javni poziv ostaje otvoren petnaest (15) dana od dana objavljivanja, zaključno sa 13. 7. 2021. godine i bit će objavljen na internet stranici Vlade Brčko distrikta BiH www.vlada.bdcentral.net. Samo prijave koje su u skladu s Javnim pozivom bit će uzete u razmatranje za dodjelu sredstava.

Odabir programa odnosno projekata koji će biti finansirani po Javnom pozivu vrši Komisija na osnovu kriterija iz člana III., a rang-listu odabranih programa odnosno projekata dostavlja šefu Odjeljenja na odlučivanje.

Rezultati Javnog poziva odnosno odabira programa ili projekta bit će objavljeni na internet stranici Vlade Brčko distrikta BiH.

Odjeljenje za stručne i administrativne poslove će na sve pristigle prijave po ovom javnom pozivu dostaviti pisano obavještenje o izboru programa odnosno projekta kao i obrazloženje o razlozima neprihvatanja programa odnosno projekta.

Planirani datum donošenja odluke o finansiranju ili sufinansiranju programa odnosno projekata je 11. 8. 2021. godine i ona će biti objavljena na zvaničnoj internet stranici Vlade Brčko distrikta BiH, a predviđeni rok za zaključenje ugovora s nosiocima odobrenih programa odnosno projekata je do 25. 8. 2021. godine.

**ŠEF ODJELJENJA ZA STRUČNE I
ADMINISTRATIVNE POSLOVE**

Mr. sc. Nedim Hamzabegović

DOSTAVITI:

1. Medijima,
2. Za oglasnu tablu Vlade Brčko distrikta BiH,
3. Sektoru za informisanje – web urednik,
4. Evidenciji,
5. A/a.